



## МЕСЯЦА НОЯБРЯ В 7-Й ДЕНЬ

Святых мученик  
тридесяти и трех, иже в Мелитине,  
и преподобнаго отца нашего и чудотворца  
Лазаря, в Галисийстей горе постившагося.

На Господи, возвах: стихиры, глас 4.

Подобен: Яко дбля в мученицех:

**Л**огособранное ополчение, священное  
воинство, / собрание Божественное, народ  
святый, / полк мучеников Богодохно-  
венный, / красное сгромаждение, нерастер-  
зное споборение, / истинно явитесья, достослав-  
нии, / и Вышня митрополии достойно жителе. /  
Сего ради должно ублажаетесья.

**С** Никандром Исихия, Афанасия, Маманта, /  
Божественнаго Вараксия, и Каллиника, / и Феогена,  
и Никона, / Лонгина и Феодора, / Уаллерия  
купно и Ксанфия, / Феодула, и Каллимаха, и  
Евгения, / вси сошедшеся, / с Божественным Фе-  
одохом и Острихия почтим.

**Д**обляго Иерона, славнаго Епифания, / Макси-  
миана купно и Дукития, / Клавдиана, и Феофила, /  
и Божественнаго Гигантия, / и Дорофея верно, и  
Феодота воспойм, / и Кастрихия, и Аникиту купно,  
и Фемелия, / Евтихия же согласно, / Истины свиде-  
тели.

Ины стихиры преподобнаго, глас 6.

Подобен: Все отложше:

**В**се отложив страстей безсловесие / и плоть  
духу покорив, / был еси добродетели правило, /  
монашествующих утверждение, / постников об-

раз, преподобных удобрение. / И ныне неизреченную доброту зрящи Творца твоего, / питаюся присно добротою, сущими на Небесех духом. / Тем, сошедшися, в песнях пении сладкими / твою честную и всепразднственную память празднуем.

**В**се оттрясл еси вещи тяжкобременное / и многомятежное плоти волнение, / укротив, мудре, дыхания, / пребыл еси, страстьми непреклонен, / яко столп, укрепляемь / духовными бронями, умом доблественным. / И ныне Божественнаго получи войстинну видения и светлости, / и к Немуже желал еси, преставился, / наслаждаяся Его неконечныя светлости, положением обожаемь.

**И**лий подобяся и Иоанну светильнику, / Свет возлюбив, / молчати в горах и в пустынях сухих, / восхождению всегда поучаяся Божественному / и преспевая добродетелей путем. / Темже постигл еси желание крайнее, премудре, / и, радуясь, предстоиши трисиянному Троицы Свету, / от Негоже неходатайственне Божественную приемля зарю, / со дерзновением молися о душах наших.

### Слава, глас 5:

**П**реподобне отче, / не дал еси сна твоим очесем, / ниже веждам твоим дремания, / дондеже душу и тело от страстей свободил еси / и тебе самого уготовал еси Духа жилище. / Пришед бо, Христос со Отцем / обитель в тебе сотвори, / и, Единосущныя Троицы угодник быв, / великопроповедниче Лазаре, отче наш, / молися о душах наших.

**И ныне, Богородичен или Крестобогородичен.**

**Подобен: Радуйся:**

**А**гница Своего Агница иногда зрящи, / к заколению тщащася, / усердно последоваше, / сия вопиющи Ему: / како идещи, Чадо Моё сладчайшее, Христё? / чего ради скорое течение сие, Долготерпеливе, течещи неленостно? / Иисусе Возжеленнейший безгрешне, / Многомилостиве Господи, / даждь Ми слово, Рабё Твоей. / Сыне Мой Вселюбезнейший, / не презри, Щедре, молча, Тя странно рождшую, / Боже Всещедре, даруяй миру велию милость.

**На стиховне Октоиха.****Слава, глас 6:**

Преподобне отче, / во всю зѣмлю изыде вещание  
исправлений твоих, / темже на Небесех обрел еси  
мзду трудов твоих, / демонов разрушил еси полки, /  
Ангелов чины постигл еси, / ихже житию непорочно  
поревновал еси. / Дерзновение имея ко Христу  
Богу, / мир испроси душам нашим.

**И ныне, Богородичен или Крестобогородичен.**

Подобен: Тридневен:

Люди беззаконнейшия, / без правды пригвождающия  
Тя на Древе, / Дева и Чистая Мати Твоя, зрящи,  
якоже Симеон прорече, / утробою, Спасе,  
уязвляшеся.

**Тропарь, глас 4:**

**М**ученицы Твоя, Господи, / во страданиях своих  
венцы прияша нетленные от Тебе, Бога  
нашего, / имуще бо крепость Твою, / мучителей  
низложиша, / сокрушиша и демонов немощныя  
дерзости. / Тех молитвами / спаси души наша.

**Слава, преподобнаго, глас 8:**

**Б**денными молитвами, / теченьми слезными  
столп омочил еси, / и из глубины воздыханьми /  
во сто трудов у плодоносил еси, / и был еси  
пастырь, всем подавая прощение, / преподобне отче  
наш Лазаре: / молися Христу Богу / спастися  
душам нашим.

**НА УТРЕНИ**

**Канон Октоиха един и святых два. Канон мучеников, егоже краегранесие: Мудрым похвалу  
сию мучеником приношу. Глас 8.**

**Песнь 1**

**Ирмос: Воду прошед, яко сушу, / и египетскаго  
зла избежав, / израильтянин вопияше: / Избавителю  
и Богу нашему поим.**

Совокупльшеся Божественным Небесным  
силам, / всем просити очищения, / светоносную  
вашу память похваляющим, добропобеднии муче-  
ницы.

**Путь** мучѣнія свѣтло шѣствовати желáюще, / претерпѣсте крѣпко всё треволнѣние мучѣнія, / укрепляѣми Духом Святым.

**Светильницы** явѣстеся на земли, / многобóжия разрушающе тьму, Божѣственнымни страсотѣрщы, / сего рáди невечѣрний Свет приѣмлете.

**Богорóдичен:** Мánием\* вся содеваяй, / из Тебѣ пáче слóва воплощáется, Мáти Чѣстая, / страсотѣрщы венчáвый, побѣдно врагá поправшия.

**Ин канóн преподóбнаго, егóже краегранѣсие:** Мольбóу пою второе тебе, треблаженне. **Глас 2.**

### Песнь 1

**Ирмос:** Грядите, лóдие, / поим песнь Христу́ Богу, / раздѣльшему мóре и наставльшему лóди, / яже изведѣ из рабóты егѣпетския, / яко прослáвися.

Грядите, вѣрнии, Духом Божѣственнымъ веселящеся вѣрно, / восхвалим Божѣственного Лázаря, к нему вопиюще: / блаженне, твоими молитвами бед избáви ны.

К твоему пáки отѣчеству приити́ тя Бог сотвори́ и не хотяща: / тем приходяща мя присно к страстѣм спаси́ молитвами твоими.

Светозáрная Богодáнная любóвь, в тебѣ возсиявши богáтно, / свою́ дúшу за ближняго ты усérдно, Богоно́се, положи́ти сотвори́.

**Богорóдичен:** Спаси́ ны, Богородительнице Всенепорóчная, всякаго гнѣва и скорбѣй, / покланяющияся Твоему́ святому́ образу / и вѣрою Богорóдицу исповѣдающия Тя.

### Песнь 3

**Ирмос:** Небѣснаго крúга верхотворче Гóсподи / и Цѣркве Зиждителю, / Ты менѣ утверди́ в любви́ Твоей, / желáний краю, вѣрных утверждѣние, / еди́не Человеколюбче.

Священными повелѣнии твоими священныя мученики, слáвне Иѣроне, / к Божѣственному страдáнию ты наста́вил еси́, / и нерадѣти о мýках преслáвно сотвори́л еси́, Богоблаженне.

\* мánнем — тайным, непостижимым действием

**Сокруша́еми дрéвием, страсть честну́ю, свя-  
тии, преблага́го Влады́ки изобрази́ли естé, / сокру-  
ши́сте па́губныя лестцы́ тьмы благода́тию Вседер-  
жителя.**

**На Го́спода всех, Боговѣднии мученицы, воз-  
ложше упова́ние, / отню́д неподвижими бы́сте  
стоя́ния бо́льшаго, / но зако́нно Божѣственное  
течѣние соверши́сте нра́ва пра́востию.**

**Богорóдичен: Многоимѣнная Отрокови́це, ра-  
дуйся, Чѣстая Влады́чице, / Яже неопѣсанное  
Слово поро́ждши описанно плóтию, / Егóже лик  
мученический, Бо́га испове́дая, стра́ждет креп-  
чайше.**

**Ин**

**Ирмо́с: Утверди́ нас в Тебѣ, Го́споди, / Дрѣвом  
умерщвѣй грех, / и страх Твой всади́ / в сердца́ нас,  
поющих Тя.**

**Кре́постию Божѣственною, му́дре, укрепля́емь, /  
избавился еси́ зверей свирѣпых. / Тем моли́ся  
Христу́ от зверей мы́сленных изба́вити поющих тя.**

**Укрепля́емь Христо́вою си́лою, преподо́бне, /  
жа́жду, и тяжесть пусты́нную, и ску́дость понесл  
еси́ до́блественно / наде́жду неизречѣнных сла́-  
дости.**

**Избѣгл еси́ вражде́бных напа́стей, всеблаже́н-  
не, Ага́риных вну́ков, / Божѣственною благода́тию  
покрыва́емь и мно́гим на по́льзу спаса́емь.**

**Богорóдичен: Влады́ку вся́ческих, Чѣстая, ро-  
дила́ еси́, Де́во, па́че слова́ неизречѣнно, / Егóже  
моли́, Всепе́тая, поющая́ Тя влады́чества изменѣ-  
ти страсте́й.**

**Конда́к преподо́бнаго, глас 4.**

**Подобен: Явился еси́:**

**Я**ко свети́льника превели́каго / Це́рковь Христо́-  
ва сла́вит тя с весѣлием псалóмски. / Тѣмже не  
преста́й моля́ся Христу́ / да́ти всем прегрешѣний  
проще́ние.

**Седáлен, глас 4.**

**Подобен: Удивѣся:**

**Му́жества кре́пкое показáвше, му́дрии, / приту-  
пи́сте враго́в всезло́бныя козни, на суди́щи  
проповѣдавше Христа́. / Тем глава́ми усѣчени и  
Божѣственною десни́цею венча́стеса, / и́же к трем**

десятицам три блаженнии, Мелитины же жители, / нас, верою вы чтущия, помяните, честнии мученицы.

### Слава, преподобнаго, глас 3.

**Подобен:** Божественныя веры:

**Божественный** ум твоё сердце имый, преподобне, / земная измени Божественными и стоящими и сликовствуеши Ангелом, / Света невестественнаго наслаждаяся, непрестанно веселяся. / Тем, преподобне Христа Бога моли даровати нам велию милость.

### И ныне, Богородичен:

**Божественная** скиния была еси Слова, едина Пречистая, Мати Дево, / чистотою Ангелы превозшедшая, / паче всех мене персть бывша, осквернена плотскими прегрешеньми, / очисти молитв Твоих Божественными водами, / подаючи, Чистая, велию милость.

### Крестобогородичен:

**Нескверная** Агница Слова, нетленная Дева Мати, / на Кресте зрящи повешена из Нея без болезни прозябшаго, / матерски подобно, рыдаючи, вопияше: / увы Мне, Чадо Моё, / како страждеди волею, хотя избавити от страстей безчестия человека?

### Песнь 4

**Ирмос:** Ты моя крепость, Господи, / Ты моя и сила, / Ты мой Бог, Ты моё радование, / не оставль недра Отча / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

**Зарями** Божественных подвигов, всебогатию, вселенныя вся концы просвещаете преславно / и невидимых врагов тьму отгоните. / Тем благочестномуудренно ваше совершаем светоносное и Божественное торжество.

**Равномудрии** вси, подвигов совершивше, и почести равно сподобистесь, / давше крови своя за Пострадавшего и Божественную Кровь Источившаго на Древе волею за наше спасение. / Сего ради вы убожаем.

**Ныне** мудрыя восхвалим мученики, / Феогена и Маманта, Иерона, Клавдиана, Никона купно и

Никáндра, / Лóнгина, и Исíхия, и Варáхия, Калли-  
ника великаго / и Ксанфíя Божéственнаго, Феó-  
фила и Уаллэрия.

**Всеу́мно** к подвиго́м устремíвшися, содейству-  
юще́ю вся, достослáвнии, / Божéственную благода́ть  
Избáвителя обретóсте / и вся доблемúдренно пре-  
терпéсте мучéния, благодарственно́ Христу́  
поюще: / силе Твоéй сла́ва, Человéколюбче.

**Богорóдичен:** Зако́на сéни и прорóческая  
гада́ния / Тя Ма́терь провозвестíша дрéвле бýвшю  
Избáвителя. / Имже ны́не соверше́ние мы, зряще,  
Всенепорóчная, согла́сно Тя поём, / стратотер-  
пцев славо и мученик святых держава.

### Ин

**Ирмо́с:** Пою́ Тя, / слúхом бо, Го́споди, услы́шах и  
ужасóхся, / до мене́ бо и́деши, мене́ ища́ заблúж-  
дшаго. / Тем мно́гое Твоé снизхожде́ние, е́же на  
мя, / прославляю́, Многоми́лостиве.

**Я**ко всех вре́менных, преподо́бне, пристра́стия  
же и любве́ отбежа́в, / всю к Бо́гу твою́ наде́жду  
стяжа́в всегда́. / И е́же стяжа́л еси́, нищих ру́ки  
прия́ша.

**Де́монское** злоде́йство, преподо́бне, отразíв, /  
прираже́нии звери́ными некоснове́н от сегó отню́д  
пребы́л еси́, блаже́нне, / Божéственной благода́-  
тию покрывáемь / тя при́сно во всех Заступáю-  
щаго.

**Разсла́бити** твою́ кре́пость, преподо́бне, вселу-  
ка́вый тща́шися, / е́же к Бо́гу зря твою́ любóвь и  
благодарéние; / тем на тя псы́ пусты́, но во тщету́  
его́ ухищре́ние обличíся.

**Богорóдичен:** Пою́ Тя, Богорóдице Влады́чице,  
и вопию́ Ти: / Твоéю моли́твою освяти́,  
соблюда́ющи, / и наста́ви ко спасéнию мно́гими  
грехи́ падающаго / и прило́ги де́монскими ко-  
лэ́блема.

### Песнь 5

**Ирмо́с:** Вску́ю мя отрину́л еси́ / от лица́ Твоего́,  
Свете́ незаходимый, / и покры́ла мя е́сть чужда́я  
тьма, окаяннаго; / но обрати́ мя и к свéту за́поведей  
Твои́х / пути́ моя́ напра́ви, молю́ся.

**Мудрых** страсотёрпец, Максимиана и Божественнаго Евгенія с Феодором, Дукитія чтуще, / Каллимаха, купно Феодула и Дорофея похвалим, / мужески подвиг совершившия.

**Доблии** оружныцы, волею умерщвляеми и сокрушаеми, / безсмертне вечно наследоваша и в райстей ликуют ныне широте, / блаженныя надежды приимше.

**Дремание** небрежения отразивше всехвальнии, / во время подвиг купно бодростию Божественною потекосте течение Божественныя веры мучения / и к пристанищу Небесному ныне приидосте.

**Богородичен:** Связана пленницами мя прегрешений, всепетая Владычице, / узы адовы разрешившая Божественным Твоим Рождеством, / разреши, молюся Тебе, и пути, вводящая к жизни, ступати поспеши.

### Ин

**Ирмос:** Света Подателю и веков Творче, Господи, / во свете Твоих повелений настави нас: / разве бо Тебе, иного Бога не знаем.

**Души** твоея твердое и разума Богостоянное, преподобне, / лукавый, низложити надеявся, во пса себе преложив, / тако прииде искусити тя.

**В** скудости мнозей недоумения враг быв, отступил, / ничтоже отнюд стуживша тя, блаженне, зря, / паче же благодарственно скудость носяща.

**Жезл** силы, якоже оружие, крест, преподобне, в руках всегда нося, / все вражие козней действо, яко прах, истнил еси.

**Богородичен:** Отчаявшихся Надежда и Предстательнице верных, спаси мя, Мати Божия, / от всякаго насилия врагов невидимых и видимых, Всепетая.

### Песнь 6

**Ирмос:** Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

**В** песнех страдальца Феодота, Илариона, Гигантия мудраго, / и Афанасия, и Божественнаго Евтихия со Епифанием по долгу ублажим.



Да ублаж́атся вѣрно Иѣрон и Диодотъ, / Кастри́кий му́дрый и Божѣственный Остри́хий, / вели́кий Фемѣлий со Амонитомъ, Христовы до́блии му́ченицы.

Кровейъ вашихъ течѣниемъ / фараона невидимаго пото́пивше со всемъ во́инствомъ, добропобѣднии му́ченицы, / Небеса́ постиго́сте и перворождѣнныхъ Цѣрковь украси́сте.

**Богородичен:** Ору́жия вра́жия, Богороди́тельнице, оскуде́ша, / отне́леже копи́емъ прободѣ́ся Христо́с, Егѣже роди́ла еси́, / Кро́вию и водо́ю обетша́вша чело́веки назидáя.

### Ин

**Ирмосъ:** *Ко Го́споду отъ кита́ Иѣона возопи́: / Ты мя возведи́ изъ глубины́ ада́, молю́ся, / да я́ко Изба́вителю во гла́се хвалѣ́ния / исти́ны же ду́хом пожру́ Тебѣ.*

Храмъ Бо́гу твоѣ́ се́рдце хотя́ явити́, преподо́бне, / Цѣркви обхожда́л еси́ свята́хъ, / отъ нихже́ прия́л еси́ благода́ть оби́льно Свята́го Ду́ха / мно́гим чело́векомъ на утвержде́ние.

Твоѣ́ оте́чество, я́ко бога́тство, ты, Богому́дре, многоце́нное, па́ки прия́т Божѣственнымъ судомъ. / Темъ страна́ мя оте́чества Еде́мскаго, преподо́бне, / су́ща наслѣдника́ сему́ соде́лай.

Цѣрковь ты Мари́ны де́вы му́ченицы пѣрво прия́т все́льника, / в не́йже, я́ко незаходи́ма, возсия́л еси́, / звезда́, озаря́я, преподо́бне, во тьме́ неведе́ния спя́щия.

**Богородичен:** Умоли́ Сы́на Твоего́ и Го́спода, Де́во, о рабѣ́хъ Твои́хъ, / вѣрою́ честному́ образу́ зра́ка Твоего́, Всенепоро́чная, покланя́ющихся при́сно, / и́бо мо́жеша.

### Конда́к, гласъ 8.

**Подобенъ:** Я́ко нача́тки:

**Л**икъ му́ченический я́сен, полкъ светонѣсенъ, / соше́дъ къ намъ разу́мно, / Цѣрковь днесъ просвети́лъ есть чу́дными заря́ми. / Те́мже, пра́зднующе́ че́стную́ па́мять ихъ, / про́симъ отъ Тебѣ́, Спа́се нашъ: / техъ моли́твами́ отъ бедъ изба́ви насъ, / да поѣмъ Ти́: аллилу́ия.

## Песнь 7

**Ирмос:** От Иудеи дошедше, отроцы / в Вавилоне  
иногда / верою Тройческою пламень пещный по-  
праша, поюще: / отец Боже, благословен еси.

Честную твою руку за истину, Иероне славне,  
отсечену зря, / благодарственные песни Всевидцу  
поя, взывал еси: / отец наших Боже, благословен  
еси.

Высоким смыслом прообразие сострадальцем  
был еси, славне Иероне, / и с ними высшего  
Царствия жребий приял еси, поя: / отец наших  
Боже, благословен еси.

Воини доблии Царя явльшися вечнующаго, /  
мужества вашего мечем полки лестца погубили  
есте, поюще: / отец наших Боже, благословен еси.

**Богородичен:** Врача породши, Дево, сердца  
моего страсти уврачи, Чистая, / и вечнующаго мя  
мучения избави, в песнях зовуща: / отец наших  
Боже, благословен еси.

## Ин

**Ирмос:** Ветии явйшася отроцы любомудрейшии  
древле, / от Богоприятныя бо души, Богосло-  
вяще устнами, пояху: / пребожественный отец и  
наш Боже, благословен еси.

Трапезу обильну уготова, исполнену благих  
добродетелей ти Божественных, / имже вся пи-  
тая, и пети научаше: / отец наших Боже, благосло-  
вен еси.

Глаголом учений твоих премудрых последу-  
юще, людие, / маловременных всех любовь во-  
истинну усердно отложивше, / и жителство с  
тобою яко благо, всеблаженне, произволиша\*.

Образ стяжав жития ты Симеона дивнаго, / яко  
камень адамант, на столпе без покрова стоял еси,  
зовый, веселяся: / пребожественный отец и наш  
Боже, благословен еси.

**Богородичен:** Спаси мя от сетей вражиих  
ходатайством Твоим, Чистая, / и любви конечней  
благаго Сына Твоего привяжи, / удаляема всегда  
от Него сластями безместными.

\* произволити — изъявлять согласие, благоволить

## Песнь 8

**Ирмос:** *Победители мучителя и пламене благодатию Твоею бывше, / заповедем Твоим zelo прилежаще, отроцы вопияху: / благословите вся дела Господня Господа.*

**У**мертвившися миру, жизнь будущую наследуете / и исцелений благодать источаете поющим: / благословите вся дела Господа и превозносите Его во веки.

**С**ветли светильницы страданий сияньми явльшися, / облистаете мир, страстоточцы мученицы, вопиюще: / благословите вся дела Господа и превозносите Его во веки.

**В** темницу ввержени, Божественныя воистинну хранители истины, / и волóвыми жилами плóти немилостивно, блаженнии, ураняеми, / никакоже праваго пути совратитесь. / Тем победныя приясте венцы.

**С**ловесы святыми, верою просвещаемы, / Бога — Отца и Сына и Святаго Духа — Троицу Нераздельную исповедуем, / Единое Царство, Единое Господство и Единая Власть во вся веки.

**Богородичен:** *Яко святейши Ангел, Чистая, / прияла еси во святых почивающаго Бога всех: / сего ради вси, вернии, поем Тя и славословим во вся веки.*

## Ин

**Ирмос:** *В пещь огненную ко отроком еврейским низшедшаго / и пламень в росу преложшаго Бога, / пойте дела яко Господа / и превозносите во вся веки.*

**Н**авык нелестно от прежде тебе постившихся отцев, отче, подвиги и борения, / и потщался еси не явиться вторый, / и яко не токмо явися, но уже и превзыде.

**И**сполнил еси молитву, еюже моляся Богу древле, треблаженне, / Твой хлеб всем предлагаю, глаголя: / и Тебе Твоя от Твоих приносим, Господи славы, во вся веки.

**И** словом, отче, и делом ты, направляя сущия с тобою к Божественней стези, / сам множае паче сих к сей направляемь, имже чудеса совершил еси: / Бог бо молитвами твоими гumno умножи.

**Богорóдичен:** Да радуется небо, да веселится и земля с человеки, / Дѣва бо Марія Творца всех неизреченно роди, Емуже поим: / Тя превозносим, Христѣ, во вѣки.

### Песнь 9

**Ирмос:** Ужасѣся о сем небо, / и земли удивѣшася концы, / яко Бог явѣся человеком плóтски, / и чрево Твое бысть пространнейшее небес. / Тем Тя, Богородицу, / Ангелов и человек чиновачалія величajúт.

**Возмогл еси,** силою Божественною укрепляемь, Иероне пречудне, / многокóзненнаго поборити умá крепостию, / и привел еси Христу́ страстотѣрпцев собор твоими поученьми, / с нимиже верою ты присно ублажаем.

**Явѣстеся вои́нство честное,** во Христѣ собрано, великоименити, / и противѣстеся ко властѣм миродѣржца и, победѣвше их ору́жием Божественныя вѣры, / венцы́ взя́сте от руки́ живоначальныя, веселящеся.

**Взыгра́й,** о Мелитине, привѣд многочисленный собор Вседержителю честных мучеников, / ихже митропо́лия Вѣшняя имать, священно течѣние совершивших, / и со все́ми верно сих грады ублажа́й всегда́.

**Сóлнце незаходимое,** Христѣ, / моли́твами сла́вных мучеников Твоих, / соверша́ющая их светоносное и Божественное страданіе, светлыми заря́ми просвети́, и освятѣ́, / и та́мо общники Царствія яко Бог сподóби.

**Богорóдичен:** Трепещу Твоего́, еди́не Царю, Судá будущаго и устраша́юся, / да не како в страсть и мучѣние ввергуся. / Но очисти мя от всякія сквѣрны грехóвныя / моли́твами Пречѣстыя Твоея́ Матере, яко Человеколюбец.

### Ин

**Ирмос:** От Бóга Бóга Сло́ва, / неизреченною мудростию пришѣдшаго обновѣти Ада́ма, / я́дию в тлѣние па́дшаго лю́те, / от Святы́я Дѣвы неизреченно воплотѣвшагося нас ра́ди, / вѣрнии, единомудренно пѣсньми величáем.

**Л**ѣностию, увѣи мнѣ, житиѣ совершихъ все и боюся Судѣ страшнаго! / Но, о Человеколюбче Господи! / молѣниемъ Лазаря слѣзныя ми послѣ струи, / да теми омьѣю скверну прегрешѣний моихъ.

**Т**ѣху имѣя дѣшу, крѣтокъ же зракъ, влѣпоту имѣлъ еси, ѡтче, / и увѣтливъ ко всемъ весь являясь, / струями же твоихъ глаголъ напаяя дѣши, мѣдре. / Юже тишину и намъ Христа умоли подати.

**Я**вственнейшу всемъ добродѣтель твою Божественную подобно явити хотѣ Бог, / горѣ присту-  
пѣти тя, преподобне, содѣя к жестокѣ, / отъ неяже паче, ѡтче, лучи удѣбъ испущая жития, / озари еси вселенную.

**Богородичен:** Милостива тогда яви мнѣ Судию, Сына Твоего, Егоже родила еси безъ семени, / во время, егда сядетъ, якоже пишется, на Престоле святѣмъ, судити, Отроковице, вся земныя, / о ихъже в житиѣ безмѣстныхъ содѣяша.

### Светилен.

**Подобен:** Женѣ, услышите:

**О**ружьемъ честнаго Твоего Креста защитивше-  
ся, стратотерпцы Твоѣ, Слове, / противныя силы крѣпко победиша и мучителя посрамиша, / по Тебѣ пострадаша и Тебѣ, Христѣ мой, всехъ Царю, сцѣлствуютъ купно.

### И преподобнаго.

**Подобен:** Небо звездами:

**Богонѣсца** вси и Владычнѣя подражателя восхвалимъ пѣсньми, Лазаря приснопамятнаго, / демонское свирѣпство разорившаго Божественною силою.

**Богородичен:** Ты Даниилъ прописалъ несекомую гору, / отъ неяже честный Камень отсѣчѣся, / сокрушающая идольския храмы, Богородительнице Маріе.

### НА ЛИТУРГІИ

**Прокимен, гласъ 7:** Честна предъ Господемъ смерть преподобныхъ Его. **Стихъ:** Что воздамъ Господеву: **Апостолъ къ Галатамъ, зачало 213.** Аллилуія, **гласъ 6:** Блаженъ мужъ, бойся Господа: **Стихъ:** Сильно на земли будетъ семя его. **Евангелие отъ Матфея, зачало 10.** **Причѣстен:** Въ память вечную будетъ праведникъ:

**Святые 33 мученика Мелитинских: Иерон, Исихий, Никандр, Афанасий, Мамант, Варахий, Каллиник, Феаген, Никон, Лонгин, Феодор, Валерий, Ксанфий, Феодул, Каллимах, Евгений, Феодох, Острихий, Епифаний, Максимиан, Лукитий, Клавдиан, Феофил, Гигантий, Дорофей, Феодот, Кастрикий, Аникита, Фемелий, Евтихий, Иларион, Диодот и Амонит** пострадали за Христа в III веке.

Императоры-соправители Диоклитиан и Максимиан (284—305) послали в Каппадокию большой военный отряд во главе с Лизием, чтобы искоренить широко распространенное там христианство и, кроме того, набрать в императорское войско здоровых и сильных воинов. Среди многих других Лизий приказал взять на военную службу и Иерона, обладавшего большой физической силой и ловкостью. Святой мученик Иерон родился в городе Тиане в Великой Каппадокии. Воспитанный благочестивой матерью Стратоникой, он был кротким и добрым христианином, и не пожелал служить гонителям христиан. Когда его хотели насильно привести к Лизию, он, вооружившись бревном, обратился в бегство посланных за ним воинов и вместе с восемнадцатью единомышленниками укрылся в пещере. Воином Лизия не удалось взять эту пещеру даже штурмом. По совету Кириака, одного из друзей Иерона, Лизий снял осаду пещеры и увел отряд. Кириак же, успокоив Иерона, уговорил его не сопротивляться властям; и он вместе с другими новобранцами в сопровождении воинов был отправлен в соседний город Мелитину. Ночью в пути Иерону было видение. Некто, одетый в белые одежды, возвестил ему голосом, исполненным кротости и любви: «Спасение, Иерон, благовествую тебе! Ты идешь подвизаться за Царя Небесного. Скоро ты к Нему отойдешь и примешь от Него честь и славу за свои подвиги».

Собравным в Мелитине воинам Лизий предложил принести жертву языческим богам. Иерон и вслед за ним 32 воина отказались это сделать, открыто исповедовав веру во Христа.

Тогда гонитель приказал бить мучеников, а Иерону еще и отсечь руку. После жестокого избиения едва живых мучеников бросили в темницу, а на утро обезглавили.

Один богатый и знатный христианин по имени Хрисанфий выкупил у Лизия голову святого Иерона. Когда гонения прекратились, на месте, где казнили святых мучеников, он построил храм, куда и перенес честную главу. Тела всех казненных святых были тайно погребены христианами. В царствование императора Юстиниана при строительстве храма во имя святой Ирины честные мощи святых мучеников были обреты нетленными.

**Преподобный Лазарь Галисийский** родился в Лидии, в городе Магнезии. Образованный и Боголюбивый юноша Лазарь стал иноком в обители святого Саввы, основанной великим подвижником благочестия в Палестине. Десять лет провел преподобный в стенах этой обители, стяжав любовь и благоговение братии высотой своего монашеского подвига.

Рукоположенный Иерусалимским патриархом во пресвитера, преподобный Лазарь возвратился на родину и поселился недалеко от Ефеса на пустынной горе Галисийской. Здесь он был удостоен чудного видения: огненный столп, восходящий на небо, окружали Ангелы, поющие: «Да воскреснет Бог и расточатся врази Его». На месте, где святому было явлено это чудо, он построил храм в честь Воскресения Христова и принял на себя подвиг столпничества. Вскоре к великому подвижнику стали стекаться иноки, жаждавшие мудрого духовного окормления Боговдохновенным словом и благим примером святого. Так возник монастырь.

Получив откровение о своей скорой кончине, преподобный оповестил об этом братию, но по их слезной молитве Господь продлил земную жизнь святого Лазаря еще на 15 лет.

Преподобный Лазарь скончался 72-х лет, в 1053 году. Братия похоронила тело святого в столпе, на котором он подвизался. Преподобный прославлен от Бога многими чудесами после своей кончины.



## Святых мученик Авкта, Тавриона и Фессалоникийи

На Господи, возвах: **стихиры, глас 1.**

**П**одобен: Прехвальнойни мученицы:  
 Авкта и Тавриона, Христову мученику, /  
 днесь светло память сотворяем, / Божественною бо ревностию разжжена, /  
 огонь прелестный попалила еста, / и тьму невестствия прогнаста, /  
 и попрала еста мучителя шатание, / и победный венец прияста.

Ранами стружема, мудрая, и камением побиваема, /  
 и в огонь вметаема и в воду купана, / повелением нечестиваго, славная, даема и мечем усекаема, /  
 не отвергостася Иисуса Преблагаго, / ни истуканом отнюд не пожроста.

Терпяше суровство отца, / ты понуждающа, Фессалоникийе прехвальная, /  
 Бога отверщися, паки и Владыки, / естества бо устава окаянный видяше, /  
 бия ты и обраняя ты, / Отца Небеснаго зыскаючи душу чистотою.

**Тропарь, глас 4.**

Подобен: Скоро предвари:

**Т**аврион славный и Авкт дивный, / огневи противистася и всем ином казнем, /  
 молитвами возможна; / та убо молением сердца похваляюще, /  
 верою пресвятую и честную память ею совершим, / душам просвещение почерпающе.

**Канон, глас 8.**

**Песнь 1**

**Ирмос:** Песнь возслем, людие, / чудному Богу нашему, /  
 свободившему Израиля от работы, / песнь победную поюще /  
 и вопиюще: / поим Тебе Единому, Владыце.

Верою страдания ваю славное чтущая, великая мученика, /  
 помолитася спастися от бед и скорбей, / имуща дерзновение ко всех Богу и Владыце.

**З**вездá, вѣрнымъ свѣтомъ твáрь озаряюща, мученика явѣстася / и тьмú прѣлестную прогонѣста благодáтию. / Тѣмъ светонóсную вáшу пáмьять вѣрою творѣмъ.

**З**акóну нечестѣвыхъ безстúдно предлóжену, / честѣ \* бездúшны истукáны, мученика, никакоже попекóстася, / имúща вѣру неборѣму къ Едѣному Бóгу и Владыце.

**С**тá предъ сúдищемъ мýжески Таврионъ многострáстный, Авктъ слáвный, / верстá светонóсная, Трóицу проповѣдающи, / и многобóжную глубóкую отогнá тьмú.

**Богородичен:** Вьсотú тáйны стрáшныя и глубинú непостижиму / ктó возмо́жет, Дѣво, сказáти? / Бóга бó родилá еси, Человѣка бывша / пáче всея вины и слóва.

### Песнь 3

**Ирмос:** Небѣснаго крúга Верхотворче, Гóсподи, / и Цѣркве Зиждителю, / Ты менѣ утверди в любви Твоей, / желáний краю, вѣрныхъ утверждѣние, / Едѣне Человеколóбче.

**Н**а едѣнаго рóдомъ злочестѣваго, святáя, всю ярость прáво \*\* ввергóста, / истощивша вáю телеса Бóжиимъ посóбиемъ, / тогó суровствó \*\*\* победѣста.

**П**росветѣвшася рáнъ дóбротворящими язвами / и украшшася мýкъ приложѣнии, / пáче облистáсте, яко светозáрней звездѣ, / страсотѣрпца мученика светозáрная.

**П**ребывáющи видя и Христóво Имя призывáюща, / льстѣцъ рáнами ссечѣ, / Божѣственными противлѣнии и терпѣниемъ мýкъ тогó победѣла есть, Богоблаженная.

**Богородичен:** Къ Тебѣ прибегаемъ вѣну, Девѣце, мно́жествомъ всегда обступáемъ, / ущѣдри и спасѣ мѣ, / рóждши Спáса всегó мѣра и Гóспода, Едѣна Препѣтая.

**Седален, глас 4, тойже что и тропарь (зри страницу 195)**

\* честѣ — почитать

\*\* прáво — справедливо

\*\*\* суровствó — суровость



### Песнь 4

**Ирмос:** Услышах, Господи, / смотрения Твоего тайнство, / разумех дела Твоя / и прославих Твое Божество.

Сокрушаема телесé ранами и болéзньми не помíловаста, / Божéственным рачéнием раждизáема Бóга и Зиждíтеля, дóбляя.

Себé Сотворшему нетлénну и несквэрненну / привелá есí житиём совершénным, Фессалоникиé добродушная.

Имéния обнажísя и родителю себé удалила есí, / Господеви же вослédова, / Тогó ради страждущи терпéнно.

**Богородичен:** Одержима мя бурею грехов и погибающа, Богородице, / мя направи к пристанищу тиху умиления.

### Песнь 5

**Ирмос:** Вскую мя отринул есí / от лица Твоего, Свете Незаходимый, / и покрыла мя есть чуждая тьма, окайннаго, / но обрати мя и к свету заповедей Твоих / пути моя направи, молюся.

Бездúшным жéртву, душéвная сúще Господня заколénия, страдальцы, / никакóже не принесóсте разумом твёрдым. / Тём, всяку болéзнь ран претерпéвша, / на неболéзненную кончíну преидóста.

Неукрощённый разум осуждающаго гнéва испóлнися / и камéнием побивáти святýя горце повелевáше, / но тéх, яко детéй отéц чадолюбív, спасáет Спáс, / Егóже ради страдáти извóлиша.

Подóбницы, первострадальца, Авкт с Тавриóном, мученика явístася, / мнóжеством бо камéния нещáдно, яко он, камéнием побивáема, — / Христа — камéне неразседóмаго, до смёрти никакóже отвергóстася, славная.

**Богородичен:** Грехóвная тяжкая всегда ношу бременá, Пречíстая, / и вопию Тí: / сíх ходáтайством Божéственным обложí / и йго мí носíти лёгкое безпáкостно сподóби, Едíна Непорóчная.

### Песнь 6

**Ирмос:** Молíтву пролию ко Господу / и Тому возвещу печáли моя, / яко зóл душá моя

испóлнися/ и живóт мóй áду прибли́жися,/ и молю́ся, я́ко Ибна:/ от тли́, Бóже, возведи́ мя.

**Р**астяжéну тя родите́ль, де́во, бия́ше,/ ви́дя уневе́щену Зиждите́леви и Спа́су все́х,/ чре́з естество́м зло́бою естества́ уста́вы бо попира́ют,/ и честну́ тя сотвори́ет му́ченицу.

**К**ре́постию ти вся́ческая Твори́щаго, честна́я Фессалони́кие, укре́пльши́ся,/ немо́щь же́нску Сло́во ю́ношески и му́жески отложи́,/ и пострада́ терпéнно, и обоже́ния Божéственнаго получи́.

**Н**е повинув́шися беззако́нному велéнию,/ вве́ржени бы́сте в во́ду купно,/ руко́ю же все́ Направля́ющаго непото́плени, му́ченицы, яви́стася/ и приве́дóстася к ти́хому пристáнищу спасéнному, ра́дующе́ся.

**Богородичен:** Кра́сен, я́ко из черто́га, из чре́ва Твоего́ Же́них про́йде, Сло́во,/ Деви́ческое укра́сив естество́,/ Бóжиим ра́зумом просвети́ и разори́ безле́потное\* зло́бие, Де́во Богоневéстная.

### Песнь 7

**Ирмос:** От Иуде́и до́шедше, óтроцы/ в Вавило́не иногда́/ ве́рою Трой́ческою пла́мень пе́щный попра́ша, пою́ще:/ о́тцев Бóже, благослове́н еси́.

**Н**ейстовный гони́тель в пыла́ющий пла́мень ва́с вве́ргл е́сть,/ не пожéршем и́долом, ни прекло́ньшем ко́лену,/ но до́бро уста́вно зову́щем:/ о́тец на́ших Бóже, благослове́н еси́.

**Н**есумне́нным се́рдцем в о́гнь влэ́зше, преблаже́ннии,/ я́коже прэ́жде ю́ноша, не опали́стася ника́коже,/ но спасéни бы́сте, пою́ще:/ о́тец на́ших Бóже, благослове́н еси́.

**С**тремле́нием нанесе́ных с Небе́сными во́д пла́мень у́бо потуше́,/ мно́жество же беззако́нных напрáсно сокруши́ся,/ святи́и же по́яху:/ о́тец на́ших Бóже, благослове́н еси́.

**Богородичен:** Ду́шу мою́ уязве́ну неприязненнаго\*\* греха́ стрéлами исцели́,/ ум мóй, преступле́нием зле́ омраче́нный, просвети́, Влады́чице,/ Светода́вца Христа́ ро́ждши, Богома́ти.

\* безле́потное — неприличное, безобразное

\*\* неприязненнаго — лукавого

### Песнь 8

**Ирмос:** Седмерицею пещь / халдэйский мучитель / Богочестивым нейстовно разжжé, / силу же лучшую спасены, сия видев, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Паче живота временнаго тамо сущии возлюбивше, / многообразными ранами преидосте сквозе огнь же и воду, / утеху обрете, яко Небесное воистину Царство, / в немже поете: / дети, благословите, священнии, воспойте, / людие, превозносите во вся веки.

Глагол мучителей безбожных яве обличила еста, / истинное исповедание, святая, добре соблюла еста, / и к Богу приидоста ныне Подвижнику, / мечем усекаема, и любовью воспеваета: / дети, благословите, священнии, воспойте, / людие, превозносите во вся веки.

Якоже паучныя нити, / вражия вседейства, мученика добляя, Богомощно раздроста / младенец стреляния, яже от них мяща, / тем истинна победоносца явльшася, вошета благодарно: / дети, благословите, священнии, воспойте, / людие, превозносите во вся веки.

**Богородичен:** Умерщвлена страстьми и многими злыми, Чистая, / душу мою оживи, Живот рождшия, / смерть разруши всею крепостию и смертию / и даждь пети ми благодарственным сердцем: / дети, благословите, священнии, воспойте, / людие, превозносите во вся веки.

### Песнь 9

**Ирмос:** Устрашися всяк слух / неизреченна Божия снизхождения, / яко Вышний волею сниде даже и до плоти, / от Девическаго чрева быв Человек. / Темже Пречистую Богородицу, вернии, величаем.

Возмогша телесы тленными безплотнаго врага, / непобедими и велии мученицы, победити, подвизавшася, / и ныне нетленный живот наследоваша, / Авкт славный и Таврион с ним прехвальный.

**Я**ко цвѣтца, посреде пламене, прехвальная,  
неувядома, явѣстася, / благоухавша Богоразумием  
вся концы, / и злѣй смрад вражий силою прогна-  
ста, / и светлѣйша явѣстася злата Божиею благо-  
датию.

**Т**елеса́ человеческая пресла́вный Амфи́пóлий  
сокрыв ваю, прехвальная, / яко Божественное  
богатство, / сия обогативши исцеление всем об-  
ло источающе благодатию / и отмывающе телес-  
ныя и душевныя недуги.

**Я**ко солнце светозарно, / всепраздная память  
ваю возсия, великая мученика, / всю тварь озаря-  
ющая, / в нюже молимся, ваю Божественными  
утешении вся просвещаета, / ваю радостно блажа-  
щая.

**Богородичен:** Просвети, дверь Света, душу  
мою, / юже враг помрачи падания и житейскими  
всеми смущении, / и тьмы избави без света огня и  
мучения, / да прослаблю Тя, Богородице, верным  
удобрение.

В  
ТОЙЖЕ  
ДЕНЬ



### Обрѣтение мощей преподобнаго и Богоноснаго отца нашего Кирилла Новоезерскаго

*Зри Сия служба поется и мѣсяца августа в 22-й день на  
всечестное пренесение многоцѣлѣбных мощей его.*

**ВЕЧЕР**

**Блажен муж: 1-й антифон. На Господи, воззвах:  
стихиры, глас 8.**



**Подобен: О** пресла́внаго чудесе:

**О**тче преподобне Кирилле, / вперив свой ум  
к Богу верою, / мирскаго смущения воз-  
гнушася неуставнаго, / и крест свой возьм,  
Всеви́дцу последовал еси, / тело непоко-  
ривое подвиги воздержания помыслу поработив, /  
силою Божественнаго Духа.

**О**тче Богомудре Кирилле, / ты от утробы матер-  
ни Христови приближився / и всем смыслом Тому  
прилежя, / и от своих подвигов Богу Вседержителю /  
плоды достойныя принося, преподобне, / добродѣ-

тельными венцы украшаемь, / темже благих наслаждение обрете и восприят досточудне.

**Преподобне отче, премудре Кирилле,** / болящим ты явился еси исцеление, / и хромым хождение милостивно сотвориши, / и всем притекающим с верою к цельбоносному гробу твоему, / просящим помощи и заступления, / ты же молитвами твоими исцеление недугующим неоскудно подавеш.

### **Ины стихиры, глас 2.**

**Подобен:** Егда от Древа:

**Егда** уязвися Божественным желанием, / тогда вся яже в мире красная ни во что же вменив, / вослед Спасителя изыде, / богатство мимотекущее презре доблественно, / славу же и могущество яко ничтоже оплевав, / моли, молим тя, / спасти и просветити души наша.

**Егда** ты приял еси монашество, / тогда своей воли, Кирилле преподобне, до конца ошаяся, / настоящему повинуюся неразсудне, / и всем покаяяся и работая, / досады и безчестия приемля, радуяся, / темже и Господь зря твое, отче, предложение благое, / прославляет тя.

**Егда** обеты монашества Господеву воздаде, / тогда умное око бодро зрети поставил еси, / мысленныя враги слезами потопляя / и непорочно ходити в пути заповедей Господних душу наставляя, / Кирилле преподобне, дерзновение имея к Богу, / моли, молим тя, / спасти и просветити души наша.

### **Слава, глас 1:**

**Днесь** пресветлое нам настá торжество / честных и многоцелбных твоих мощей обречение, / преподобне отче наш Кирилле, / ихже, сошедшеся, достойно почтим, / во псалмех и пениях и песнях духовных взывающе. / О празднoлюбцы! притецем к чудней иконе преподобнаго отца / и любезно сию обстоюще, радостно лобызающе, сиче рцем: / радуйся, сокровище неистощимое, / радуйся, источнике приснотекущий, / радуйся, вселюбезный отче цельбоносный, / радуйся, многотрудная плоти показá, / радуйся, иже много в подвизах восприемля, / радуйся, венец венечника носяще, / радуйся,

источая сладкоуханная нам священная благово-  
ния./ Но, о чудотворивый отче!/ целующе ты  
приимем благодать/ и благодателя Бога прослав-  
ляем,/ прославляющего Своего угодника богаты-  
ми дарованиями/ и вопиюще Ему:/ о всех благий,  
Господи, слава Тебе.

**И ныне, Богородичен: Всемирную славу:**

**Вход, прокимен дне. И чтения три преподобни-  
ческая (зри страницы 164—165)**

**На литий стихиры, глас 1, самогласны:**

Преподобне отче Кирилле,/ сошедшеся любоб-  
вию в славное обречение многоцелёбных мощей  
твоих,/ светло торжествующе, Давидски глаго-  
лем:/ блажен муж, бойся Господа,/ непорочно бо  
в путех Господних ходил еси,/ темже с преподоб-  
ными водворяясь,/ с нимиже молися Господеви,/  
помилуоватися душам нашим.

Светлая твоя память обречения твоего,/ препо-  
добне отче Кирилле,/ сердца просвещает нам,/  
зряще бо честную твою икону,/ врачевство стра-  
стем неудобь целимым,/ прославляем прославля-  
ющего тя Господа/ и труды твоя и подвиги  
венчавша благодатию,/ усердно и мы подвигом и  
трудом/ емшеся твоею стезею ходити ко Христу  
Богу,/ Егоже моли спасти и просветити души  
наша.

**Глас 2:**

Предстояще гробу знаменосному/ преподоб-  
наго отца нашего Кирилла, о празднолюбцы!/  
возопием похвальными гласы, глаголюще:/ како  
ты ублажим, Кирилле,/ на земли поживша паче  
человека/ и в Вышних блажимаго со всеми  
угождшими Господеви,/ с ними же предстоя во  
Свете Божественном,/ моли, молим тя,/ избавити-  
ся нам от соблазн лстываго/ и спастися душам  
нашим.

По успении твоём, блаженне Кирилле,/ учи-  
тельница нам бываает твоя рака,/ присно бо  
изливающимися чудесы вопиет,/ возводя нас к  
трудом и подвигом, глаголя:/ возлюбите Господа,  
да обрящете благодать вечную/ и ничтоже паче  
Его почтите,/ да егда придет/ и обрящете покой

со избранными Его, / егóже да и мы уллучим твоими молитвами.

#### Глас 4:

Днесь сошедшеся, братие, / духовне почтим преподобнаго отца нашего Кирилла, / иже постом тело свое изнуривши, / воздержанием страсти охудивши / и бдением ум очистивши, / молитвами же душу просветивши, / нищетóю богатство воспринимши благодати / и послушанием Бóга благопослушна стяжавши, / чистотóю жилище Пресвятаго Духа бывши, / Егóже ради врагов шатания Христос низложив, / дарует нам мир и велию милость.

#### Слава, глас 8:

Монахов множества / наставника тя почитаем, отче наш Кирилле, / твою бо стезю войстинну право ходити познахом. / Блажен еси, Христу работав, / и вражю обличил еси силу, / Ангелов собеседниче, и преподобных сопричастниче, и праведных. / С ними же молися Господеви / помилуватися душам нашим.

**И ныне, Богородичен: Безневестная Дево:**

**На стиховне стихиры, глас 8.**

**Подобен: О преславнаго чудесе:**

Приидите и примите, братие, / любящиеся благодати от гроба преподобнаго отца Кирилла, / той бо подвижася без лености во временней жизни / и яко безплотен во плоти поживе / темже прият дар от Христа Бóга / и нам просит очищения и велия милости.

**Стих: Честна пред Господем / смерть преподобных Его.**

Предстояще ти, отче наш Кирилле / приемлем обильно благодати: / всяк бо, приходяй с верою, не посрамится, / и приемлет, ихже требует, / прославляюще тя Господу / яко благоугодна раба бывши своему Владыце, / и Того заповеди сохраниши, / темже ты чтим и ублажаем.

**Стих: Блажен муж, бойся Господа, / в заповедех Его восхощет зело.**

Источник приснотекущий врачевства безмезднаго, / гроб знаменоснаго отца Кирилла / и всяк хотяй приемлет / подавает бо приходящим с

вѣрою / от великія благодати от силы живоноснаго мертвеца / егѣже молитвами, Иисусе Царю, / спаси души наша яко един Милосерд.

**Слава, глас 4:**

**Возвеселися** явленно, честная Христова Церковь, / и торжествуй светло, / возсия бо днесь пресветлая и всепразднственная память / обретенія честныхъ мощей преподобнаго и Богоноснаго отца Кирилла, / красящися его многотрудными подвиги, яко многоценною одеждою / и вопиет, хвалящися, глаголющи: / сицевое мое рождение, егѣже Евангелиемъ породих, / воспитанъ же страхомъ Господнимъ / и ныне в преподобныхъ живетъ. / Приидите, постническое сословие и праведныхъ ликостояние, / и срадуйтесь со мною, / имѣю бо в себѣ неистощимое сокровище, / пречестнаго и всебогатаго преподобнаго отца Кирилла, / облагоухающе верныхъ и веселяще душевныя чувства и телесная, / и исцеления подающа, и просяща от Бога велия милости, / яко да милостивъ будетъ намъ в день Судный.

**И ныне, Богородичен: Призри на моления:**

**Тропарь, глас 8:**

**Я**ко светильникъ явился еси всесветелъ / во отце Новѣ езера на Красномъ островѣ, / преподобнѣ отче Кириллѣ, / ты бо крестъ Христовъ на рамо возмъ, / усердно Тому последовалъ еси, / чистотою Богови приближився, / от Негоже и силами чудесъ обогатися, / темъ и мы любезно прибегаемъ къ раце честныхъ мощей твоихъ, умилно глаголемъ: / о преподобнѣ отче Кириллѣ! / моли Христа Бога спастися душамъ нашимъ.

**НА УТРЕНИ**

**На Бог Господь: тропарь святаго дважды, слава и ныне, Богородичен.**

**По 1-й кафизме седален, глас 1:**

**Житіе** на земли благочестно скончавъ, / чисто селение Святому Духу явися, / просвещаяши иже вѣрою приходящихъ къ честнымъ мощемъ твоимъ, блаженне. / Темже моли Владыку Христа Бога просветити души наша, / празднующимъ всечестную память твою, Богомудре Кириллѣ.



**Слава, и ныне, Богородичен:**

Купину́, юже Моисей неопальну виде, / гору Божию, светлый облак, сень нескверную, / Богоприятную трапезу, палату Высокаго Царя, / все-светлую и непроходимую дверь, Дево, поем Тя.

**По 2-й кафизме седален, глас 5:**

Постника Господня песньми почтим, / яко умертвиша вся прилоги страстей / воздержанием твердым и крепким терпением воистинну / и посрамльша сопротивнаго всю гордыню, / и согласно возопиём ему: / преподобне отче Кирилле, молися Господеву помиловатися душам нашим.

**Слава, и ныне, Богородичен:**

Страшно чудо зачатия и несказанен образ рождества / в Тебе познася, Чистая Приснодево, / ужасает ми ум и удивляет помышления. / Слава Твоя, Богородице, всем прострися на спасение душам нашим.

**По полиелеи седален, глас 8:**

Егда, блаженне, к Божественному желанию ум свой вперив, / тогда оставив вся долу влекущая мудрования, / и в пустыню вселився в Красный остров, / идеже процвел еси, яко кедр, добродетельми прекрасными, / страстей искоренив терние, и в нем насадив плоды трудов своих. / Темже и пожав рукояти — неотъемлемо богатство на Небеси, / отче, преподобне Кирилле, моли Христа Бога согрешением оставление подати, / чтущим любовь святую память твою.

**Слава, и ныне, Богородичен:**

Воплотшееся Слово от утробы Твоея рождши, Пречистая, / мене же растленного грехми от прилог, укрепи, Мати Божия, / и сердце мое очисти, Богоблагодатная, Матерними Своими молитвами, / да и аз благодарно зываю Ти: / Марие Богородице, моли Сына Своего, Христа Бога нашего, / помиловати стадо Свое, еже стяжа, Всенепорочная.

**Степенна 1-й антифон, 4-го гласа. Прокимен:** Честна пред Господем / смерть преподобных Его.  
**Стих:** Что воздам Господеву о всех, / яже воздаде ми? **Евангелие от Матфея, зачало 43.**

**По 50-м псалме стихира, глас 6:**

Преподобне отче Кирилле, / слух свой прилежно  
Евангелию простре, / услышал еси Божественный  
глас, / зовущ в Небесное Царство, / и добре  
последова, мира красная, яко уметы вменив, /  
единыя доброты желая—Христа. / Егже моли  
прилежно / миру послати смирение, и церквам  
единомыслие, / и стране нашей на враги победу и  
одоление, / и душам нашим велию милость.

**Канон, глас 2.**

**Песнь 1**

**Ирмос:** Грядите, людие, поим песнь Христу  
Богу, / раздельшему море и наставьшему люди, /  
яже изведе из работы египетския, / яко прослави-  
ся.

Просвещением Трисолнечного Божества оза-  
рився, премудре, / светило явися, осиявая всюду. /  
Тем и нас, темнотию страстей омраченных, /  
просвещением благодати озарити помолися / и  
сущаго получитьи спасения.

Светом Божественным и благодатию просвеща-  
емь, Кирилле преблаженне, / верно светоносную  
твою память торжествующих просвети, / и от тьмы  
греховныя молитвами твоими, преподобне,  
избави.

Духу Святому храм, премудре, бысть, / и к нему  
все духовное желание обратив, / и сего ради  
кротких землю наследова, / душевную нашу стра-  
стную бурю, преподобне, укроти, / да в тишине  
Божественной бывше, песнословим твои подвиги.

**Богородичен:** Лютыми страстей наветы обуре-  
ваемь есмь, Отроковице, / и прилоги греховными  
погружаемь, / к Твоему единому тихому и невла-  
емому пристанищу любовьию прибегаю, Всепетая, /  
ущедривши, спаси мя, Приснодево.

**Песнь 3**

**Ирмос:** На камени мя веры утвердив, / разши-  
рил еси уста моя на враги моя, / возвесели бо ся  
дух мой, внигда пети: / несть свят, якоже Бог наш, /  
и несть праведен, паче Тебе, Господи.

Высотю смирения украшаемь, Кирилле препо-  
добне, / и все убо желание ко Владыце своему  
простирая, / яростная движения на враги воору-

жая, / со изрядными делы своими постом и молитвами.

**Плоти** своея двизание, крепким пощением, преподобне, умертвив, / обителище был еси Владычне, / Егоче моли избавитися скорбей, и мучительства страстей, / с верою притекающим к раце мощей твоих, преподобне.

**Имея** споспешествующих душевную силу, / исцеления безчисленная источают мощи твоя, преподобне Кирилле: / отгоняют от человек болезни телесныя, / и душевныя страсти уврачевают подвиги твоими, всечестне.

**Богородичен:** Трудяет мя буря греховная, и возмущение безмерных помышлений, / умилосердися, Всенепорочная, / и руку ми помощи яко Милостива простри, / яко да, спасся, величаю Тя.

#### **Седален, глас 4:**

**Житейское** море воздержанием без труда преплыв, / ко пристанищу мысленному безстрастия, радуясь, достигл еси, / преподобне отче Кирилле, Богомудре и преблаженне, / моли Христа Бога спастися душам нашим.

#### **Слава, и ныне, Богородичен:**

**Стена** непобедимая нам христианом еси, Богородице Дево, / к Тебе бо прибегающим невредени пребываем, / и паки согрешающе, имам Тя Молитвенницу. / Тем, благодаряще, вопием Ти: / радуйся, Благодатная, Господь с Тобю.

#### **Песнь 4**

**Ирмос:** Пришел еси от Девы, не ходатай, ни Ангел, / но Сам, Господи, воплощся, / и спасл еси всего мя, человека. / Тем зову Ти: слава силе Твоей, Господи.

**Умом** и душею предпочистився, преподобне, / и прелесть душепагубную всеконечно от себе отверже, / и чувства свой к немутней тишине управив, / во остров Красный, премудре, вселился еси, воспевая: / слава силе Твоей, Господи.

**Законы** Новыми и Ветхим Заветом, разума святых мужей поучаяся, Кирилле преподобне, / всякия добродетели образ навик, премудрой пчеле подобаяся, / приятелище изрядное Духу Святому

был еси, премудре, воспевая: / слава силе Твоей, Господи.

**В**сяческим светяся чудодействы, преподобне, / и Божественною озаряемь благодатию, / всем познася сокровище исцелений неистощимое, / страстей отгоняя омрачение и вражия низлагая ополчения: / слава силе Твоей, Господи.

**Богородичен:** Из утробы Твоея, Чистая Отроковице, возсияв, Божественное Солнце / иже во тьме многобожия просвети и в сени смертной сущия, Владычице, осияй. / Емуже, воспевающе, зовем: / слава силе Твоей, Господи.

### Песнь 5

**Ирмос:** Просвещение во тьме лежащих, / спасение отчаянных, Христэ, Спасе мой, / к Тебе утренюю, Царю мира, / просвети мя сиянием Твоим, / иного бо, разве Тебе, бога не знаю.

Теснаго предпочёт, нежели пространнаго, пути, преподобне, / и, радуясь, во острове Краснем, всячески утесняемь, претерпé, / Божественными поучении душу свою очищая, / и доброту Божию неизглаголанную зря, всеблаженне.

Незлюбив, и кроток, и милостив был еси, преподобне, / вся злобы и стрелы вражия до конца погубль. / Благодать и милость от Бога свѣше приим, / милостивно нам поспешай, любовию святую память твою почитающим.

Яко великое солнце, величие подвигов твоих возсия нам, Кирилле преподобне, / вся просвещая светом Богоразумия, / тем молим тя просветити наши разумы, отче преблаженне.

**Богородичен:** Мнози борющиеся со мною свѣше, в болезни исчезе живот мой, / понрох\* в пропасти безчисленных моих согрешений, / спаси мя, Владычице, и возведи яко Милостива, Всенепорочная: / Тебе бо имаю едину Предстательницу непобедиму, раб Твой.

### Песнь 6

**Ирмос:** В бездне греховней валяясь, / неизследную милосердия Твоего призываю бездну: / от тли, Боже, мя возведи.

\* понрох — погрузился, поникнул

**Ев**ангельски, преподобне, Христа возлюбив, и пліщев\* отвратіся, / непроходимыя же пустыни проходя и на Красный остров пришед, / единому Владыце своему прилепися, / от Негоже и трудом воздаяния прием, / животу вечному яве причасти и за поющия тя молися.

**Б**огомудрыми помыслы преудобрився, преподобне, / и вся яже на земли лстящая, яко уметы, вменив, / тем и ныне в нестареющемся блаженстве, / во свете с лики Безплотных сил о Бозе присно сликовствуеши, преблаженне.

**С**трана и преславна о Бозе содевая чудеса, преподобне, / всем, яже зле страждущим, призыванием скоро предваряеши, от бед избавляя, / и нас, бедствующих люте и напастьми одержимых, / милостивно представ, спасаеши, преблаженне.

**Богородичен:** Грехов тяжким бременем обложен есмь, Пречистая, и вопию Ти: / ходатайством Твоим Божественным сие облегчи, / Ты бо еси Предстательница грешным, Преславная, / Избавителя и Спаса рождши земным.

#### Кондак, глас 2:

**Х**ристов ярем на рамо взем, / усердно Тому последова, / чистотою Божу приближився, / отче преподобне Кирилле, / молим тя, посещай милостивно чад своих, / и моли непрестанно о всех нас.

#### Икос:

**К**то доволен изрещи твоих чудодеяний, преподобне отче Кирилле, / мы убо от непостизающего ума нашего, недостойнии, малое сие пение приносим, / радостию и Божественною любовью почитающе / всехвальное и всечестное обречение многоцелёбных мощей твоих, глаголюще: / радуясь, яко исполняем Христовы красоты, / пресветла от Него и преизобильна восприемля вечнующая воздаяния, / телом убо ты Красный остров прият, духом же само Небо, / почести трудом своим, прехвальне, восприим от Христа всех Царя и Бога, / тем молим тя, / посещай милостивно стадо свое, еже собрал еси, премудре, / и моли непрестанно о всех нас.

\* пліщев — смятения, суеты, шума

### Песнь 7

**Ирмос:** *Образу златому, на поле Дейре служиму, / трие Твой отроцы небрегóша безбóжнаго веления, / посреде же огня ввёржени, орошаеми, пояху: / благословен еси, Бóже отец наших.*

**В** молитвах бóдренное, и в пощениих крѣпкое, и во искушениих терпение неослабное, / ума чистотою, преподобне, показá, / земли бо и земных достойно отступил, / Небесное обрел еси наслаждение, воспевая: / благословен Бог отец наших.

**Плод** духовный и жертву непорочную, / житие свое, преподобне, Владыце принес, / в воздержании бо всяцем пожив, / от Негоже и почести трудом яко подвигоположник восприим, / действуещи преславная чудеса, воспевая: / благословен Бог отец наших.

**Страстми** колеблющихся и бурею греховною, преподобне, погружаемых, / яко равноощно к Бóгу дерзновение имея, / руководствуй всегда, премудре, / и сохраняй почитающих тя благочестно, яко да воспеваем: / благословен Бог отец наших.

**Богородичен:** *Избави нас от напастей, и скорбей, и печалей различных, / иноплемённых нашествия, и междоусобныя брани, Владычице Всепетая, / яко да славим Тя и Сыну Твоему взываем: / благословен Бог отец наших.*

### Песнь 8

**Ирмос:** *Пещь иногда огненная в Вавилоне действия разделяше / Бóжиим велением, халдеи опаляющая, / верныя же орошающая, поющая: / благословите, вся дела Господня, Господа.*

**В** пребывалища присноживущая вселился еси, преподобне, / нетленных благ наслаждаяся и Трисолнечныя светлости исполняяся, / нас, призывающих тя, тёплым твоим предстательством от всех лóтых спасай, поющая: / благословите, вся дела Господня, Господа.

**Нам,** иже любовьию почитающим тя, / и честное твоё совершающим торжество, Христов угóднике Кирилле, / подати моли согрешением оставление и Божественнаго Свѣта осияние, поющим: / благословите, вся дела Господня, Господа.

**Трѳичен:** *О* Прѳезначальное Естество и Трипостасное Единство—/ Отче, и Сыне, и Душе Святыи—/ прими о нас молебника, преподобнаго Твоего угодника Кирилла,/ и подаждь прегрешений оставление, и житию исправление, и злых отчуждение,/ и сподоби ны в мире воспевати Твою державу:/ благословите, вся дела Господня, Господа.

**Богородичен:** *Я*ко едина рождши безсеменным рождеством Христа Бога, Мати Безневестная Чистая,/ Сего милостива сотвори, Владычице,/ спаси рабы Твоя от насилия и мучительства вражия,/ вопиющих Христови, Сыну Твоему:/ благословите, вся дела Господня, Господа.

### Песнь 9

**Ирмос:** *Безначальна Родителя Сын, Бог и Господь,/ воплощся от Девы, нам явися,/ омраченная просветити, обрати расточенная./ Тем Всепетую Богородицу величаем.*

**Выспрь** к Богу имей мысль, Кирилле преподобне,/ земная оставль и Небесная восприят:/ Богу и Спасу ты вельми прославльшу,/ трудов ради твоих и воздержания неослабнаго,/ сего ради почитаем ты, преблаженне.

**Ихже** благ, преподобне, получив Небесныя славы,/ ейже от Бога сподобися и Емуже всегда предстоит,/ молися и нам неотлучным быти, молим ты,/ радостию и Божественною любовью почитающим подвиги твои, всечестне.

**О** блаженне и Богомудре, преподобне отче Кирилле!/ мир миру от Бога низпосли/ и испроси церквам соединение, и стране на враги победительная,/ и всем скорбящим предстательство и спасение, преблаженне.

**Богородичен:** *Пощади* мя, Христе Спасе, пощади,/ молитвами Рождшия Тя и всех святых Твоих,/ егда сядеши судити делом моим,/ беззакония и грехи моя презри яко Безгрешен,/ мир же подаждь, и спасение воспеваяющим Тя,/ Милостивый Боже и Человеколюбче.

### Светилен:

**Мирскаго** пристрастия яко от скверны уклонився,/ и алчбою плоть умертвил еси, блаженне,/

Небесною славою со Ангелы обогатився, / темже непрестанно о нас моли Христа Бога, преподобне Кирилле. **Слава, и ныне, Богородичен:**

Державным Своим покровом, Чистая, / нас, рабов Своих, от навет вражиих сохраняй всегда невредны, / Ты бо едину стяжанием прибежище в скорбех и печалех.

**На хвалитех стихиры на 4, глас 8.**

**Подобен: О преславнаго чудесе:**

Имеяй Божественную благодать учителя, / целомудрием ты наставляющу к желанию Божественному, / отнюдуже мирскаго мятежа отрехся, / к разуму истинному возведёся, / болезненными труды себе удручая, / повиную лучшему горшее, Кирилле преподобне, / моли спастися нам.

Преподобне отче Кирилле, / любви ради Христовы, вся яже на земли преобидел еси, / и в пустыню вселився, / плотския похоти мудрование умертвил еси, / постническими труды своё житие уяснил еси, / тем и Христос даром чудес обогатил ты, / поминай нас, чтущих память твою, досточудне.

Добродетели удержати потщася, / имиже Божови присвоитися разумеая, Кирилле преподобне, / к Немуже и востече, / Егоже и светолитие приемля, / ходатайствуй о нас, мирно житие преити, / спасающимся от соблазн лествицаго, / и святых радости общником быти твоими молитвами.

Приносите веру вси, хотящие исцеления, / приемлите независтно, / почерпните вино, души веселящее, / всем бо окрин благодати предстоит, / никакоже сомняся, / исполнь бо честная чаша преблаженнаго отца нашего Кирилла, / и изливает приходящим с верою / душам и телесем здравие.

**Слава, глас 6:**

Преподобне отче Кирилле, / во всю землю изыде вещание исправлений твоих, / тем и на Небесех обрел еси мзду трудов твоих, / демонския погубил еси полки, / и Ангельския достигл еси чины, / ихже житию без порока поревновал еси, / дерзновение имеяй ко Христу Богу, / мир испроси душам нашим.

**И ныне, Богородичен: Богородице, Ты еси лоза:**